



საქართველოს იუსტიციის მინისტრი

ბრძანება №76

KA010186385693814
24 / იანვარი / 2014 წ.

თბილისი

სამედიცინო სადაზღვევო მომსახურების სახელმწიფო შესყიდვის ერთობლივად განხორციელების შესახებ

„საქართველოს იუსტიციის სამინისტროს დებულების დამტკიცების შესახებ“ საქართველოს მთავრობის 2013 წლის 30 დეკემბრის №389 დადგენილებით დამტკიცებული დებულების მე-5 მუხლის მე-2 პუნქტის „ა“ და „მ“ ქვეპუნქტებისა და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული წესის მე-4 მუხლის მე-2 პუნქტის შესაბამისად,

ვ ბ რ ძ ა ნ ე ბ :

1. საქართველოს იუსტიციის სამინისტროს სისტემაში შემავალ სახელმწიფო საქვეუწყებო დაწესებულებას – საქართველოს პროკურატურას, დაევალოს, საქართველოს იუსტიციის სამინისტროს სისტემაში შემავალი სახელმწიფო საქვეუწყებო დაწესებულების – საქართველოს პროკურატურისა და საქართველოს იუსტიციის სამინისტროს მმართველობის სფეროში მოქმედი საჯარო სამართლის იურიდიული პირის – „აღსრულების ეროვნული ბიუროს“, თანამშრომელთა სამედიცინო სადაზღვევო მომსახურების სახელმწიფო შესყიდვის მიზნით ჩატაროს ელექტრონული ტენდერი;

2. სატენდერო დოკუმენტაცია და სატენდერო განცხადება შემუშავებულ იქნეს კანონმდებლობით გათვალისწინებული მოთხოვნების შესაბამისად;

3. მიმწოდებელთან ანგარიშსწორების პირობები განისაზღვროს შემდეგნაირად:

ანგარიშსწორება განხორციელდეს უნაღდო ანგარიშსწორებით ყოველთვიურად, მომსახურების მიღება-ჩაბარების აქტის გაფორმებიდან 30 (ოცდაათი) დღის ვადაში;

4. შესყიდვის ობიექტის მიწოდების წესი განისაზღვროს შემდეგნაირად:

მომსახურების გაწევა განხორციელდეს 2014 წლის 1 მარტიდან 2016 წლის 1 მარტამდე;

5. საქართველოს იუსტიციის სამინისტროს სისტემაში შემავალმა სახელმწიფო საქვეუწყებო დაწესებულებამ – საქართველოს პროკურატურამ, და საქართველოს იუსტიციის სამინისტროს მმართველობის სფეროში მოქმედმა საჯარო სამართლის იურიდიულმა პირმა „აღსრულების ეროვნულმა ბიურომ“ ელექტრონულ ტენდერში გამარჯვებულ პრეტენდენტთან კანონმდებლობით დადგენილი წესით გააფორმონ სახელმწიფო შესყიდვების შესახებ ინდივიდუალური ხელშეკრულებები სატენდერო დოკუმენტაციით განსაზღვრულ ოდენობებზე;

6. ბრძანება ამოქმედდეს ხელმოწერისთანავე.

მინისტრი

თეა წულუკიანი

